



Broj: 01-343/13
Vareš, 23.12. 2013. godine

Na osnovu članova 39., 46. i 47. Zakona o budžetima u Federaciji Bosne i Hercegovine („Službene novine Federacije BiH“, broj:19/06, 76/08, 05/09, 32/09, 09/10, 36/10, 45/10 i 25/12), članova 3. i 7. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj:86/07, 24/09 i 44/10), člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj:49/06 i 51/09) i člana 22. tačka 8. Statuta Općine Vareš-prečišćeni tekst, broj:01-162/12 od 11.09.2012.godine, Općinsko vijeće Općine Vareš na 14. sjednici održanoj 23.12.2013.godine, donijelo je :

ODLUKU

o kreditnom zaduženju Općine Vareš

Član 1.

Ovom Odlukom Općinsko vijeće Vareš daje saglasnost na kreditno zaduženje Općine Vareš kod BOR Banke dd Sarajevo, u iznosu od 250.000,00 KM (slovima:dvijestotine pedesethiljada konvertibilnih maraka).

Član 2.

Kreditna sredstva iz člana 1. ove Odluke koristit će se kako bi se isfinansirale Porezne obaveze poreznog obveznika prema Poreznoj upravi Federacije BiH.

Član 3.

Uslovi pod kojim će Općina Vareš sklopiti Ugovor o Kreditnom zaduženju su:

- maksimalni iznos kredita od 250.000,00 KM,
- rok otplate 2 (dvije) godine, počevši od 01.07.2014.godine,
- grace period 6 (šest) mjeseci,
- kamatna stopa (fiksna) 2,8% na godišnjem nivou,
- troškovi obrade kredita 1%,
- osiguranje kredita: imovina općine.

Član 4.

Otplata kredita (glavnice i kamate) će se vršiti iz Budžeta/Proračuna Općine Vareš. Servisiranje duga – otpлата kredita , vršit će se na osnovu dinamički utvrđenog otplatnog plana.

Općina Vareš će svojim Budžetom/Proračunom, u periodu otplate kredita, planirati sredstva namijenjena urednoj otplati istog.

Član 5.

Općinsko vijeće Vareš, na osnovu ove Odluke, ovlašćuje Općinskog načelnika da zaključi Ugovor o kreditnom zaduženju sa BOR Bankom dd Sarajevo.

Daje se saglasnost Općinskom načelniku da potpisuje sve potrebne dokumente, vezane za realizaciju ovog kreditnog aranžmana, uključujući i potrebne garancije.

Član 6.

Ova Odluka stupa na snagu narednog dana od dana donošenja.

**PREDSJEDAVAJUĆI
OPĆINSKOG VIJEĆA**

Zdravko Marošević

O b r a z l o ž e n j e

Odluke o kreditnom zaduženju Općine Vareš

1. Pravni osnov

U članu 39. stav (2) Zakona o budžetima u Federaciji Bosne i Hercegovine („Službene novine Federacije BiH“, broj:19/06, 76/08, 05/09, 32/09, 09/10, 36/10, 45/10 i 25/12) stoji, federacija, kanton, grad i općina mogu se zadužiti u svrhe, pod uslovima i u obimu propisanim zakonom. U članu 46. Zakona o budžetima u Federaciji Bosne i Hercegovine („Službene novine Federacije BiH“, broj:19/06, 76/08, 05/09, 32/09, 09/10, 36/10, 45/10 i 25/12) stoji, kanton, grad i općina mogu stvoriti obaveze po osnovu zaduživanja u skladu sa zakonom, jedino ukoliko je kantonalna skupština, gradsko, odnosno općinsko vijeće odobrilo zaduženje ili izdavanje garancije. Otplata duga kantona, grada ili općine predstavlja izričitu obavezu kantona, grada, odnosno općine. Dug kantona, grada ili općine ne predstavlja direktnu niti indirektnu obavezu Federacije, osim ukoliko ministarstvo finansija nije izdalo jemstvo u vezi sa kreditom kantona, grada ili općine. U članu 47. Zakona o budžetima u Federaciji Bosne i Hercegovine („Službene novine Federacije BiH“, broj:19/06, 76/08, 05/09, 32/09, 09/10, 36/10, 45/10 i 25/12) stoji, dug kantona, grada i općine, u skladu sa zakonom, može nastati u svrhe finansiranja budžetskog deficita. U članu 3. stav (9) Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj:86/07, 24/09 i 44/10) stoji, dug grada ili općine predstavlja izričitu obavezu općine ili grada da ga plati u skladu sa uvjetima sporazuma. Dug općine ili grada ne predstavlja ni direktnu ni indirektnu obavezu Federacije ili kantona. U članu 7. stav (3) Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj:86/07, 24/09 i 44/10) stoji, gradovi i općine mogu se dugoročno zadužiti ukoliko u vrijeme odobrenja zaduženja iznos servisiranja duga koji dopijeva u svakoj narednoj godini, uključujući i servisiranje za predloženo novo zaduženje i sve zajmove za koje su izdate garancije grada i općine, ne prelazi 10% prihoda ostvarenih u prethodnoj fiskalnoj godini. U članu 13. stav (2) Zakona o principima lokalne samouprave u Federaciji Bosne i Hercegovine („Službene novine Federacije BiH“, broj:49/06 i 51/09) stoji, vijeće u okviru svojih nadležnosti donosi odluke o zaduživanju. Članom 22. tačka 8. Statuta Općine Vareš – Prečišćeni tekst, broj:01-162/12 od 11.09.2012. godine propisano je da, Općinsko vijeće u okviru svoje nadležnosti donosi odluke o zaduživanju Općine Vareš, o raspisivanju javnog zajma i davanju garancija u skladu sa zakonom.

2. Razlozi za donošenje

U skladu sa Mjerama za sanaciju budžeta/proračuna u narednom periodu, broj:02-386/13 koje je Općinsko vijeće donijelo na sjednici održanoj dana 27.03.2013. godine, gdje je pod tačkom 1. navedeno sljedeće: “Nastavak, konkretizacija i praktična operacionalizacija pregovora sa Poreznom upravom u pogledu prolongiranja obaveza za poreze i doprinose na plaće zaposlenih na period od 3 (tri) godine, a nakon tog perioda da se provede planska otpлата navedenih obaveza u periodu od 5 (pet) godina u jednakim mjesečnim ratama, uzimajući u obzir donošenje pozitivnih zakonskih propisa za oblast poreza i doprinosa, gdje bi tim zakonskim propisima bio omogućen otpis zatezних kamata i otpлата duga samo do visine glavnice”.

Općinski načelnik podnio je Molbu za odgodu plaćanja, broj:02-353/13 Poreznoj upravi Federacije BiH i Dopunu molbe za odgodu plaćanja, broj:02-540/13 te Urgenciju za potpisivanje Sporazuma o odgođenom plaćanju, broj:02-726/13.

Nakon razmatranja svih ponuđenih akata od strane Općine Vareš Poreznoj upravi Federacije BiH, direktor Porezne uprave Federacije BiH donosi rješenje, broj:13/10-15-22-1729-1/13 N.B. i Az.H dana 17.10.2013.godine u kome nas obavještava da se molba poreznog obveznika – dužnika JEDINSTVENI OPĆINSKI ORGAN – OPĆINSKI NAČELNIK OPĆINE VAREŠ, Ulica Zvijezda broj 34., identifikacioni broj:4218285300002, za odgođeno plaćanje dužnih javnih prihoda na period od 3 (tri) godine, a po Rješenjima o pokretanju postupka prinudne naplate Kantonalnog poreznog ureda Zenica broj:10-4-01-15-5-1213-01/08 A.A. od 11.09.2008. godine i broj:13-4-01-15-21-103-1/13-1 S.A. od 07.03.2013.godine u ukupnom iznosu 2.212.948,72 KM, odbija kao neosnovana te da žalba ne odlaže izvršenje rješenja.

U skladu sa navadenim a kako bi se izbjegao postupak prinudne naplate kao jedino moguće rješenje nastale situacije jeste kreditno zaduženje Općine Vareš kod neke od komercijalnih banaka gdje bi kreditna sredstva bila iskorištena za izmirenje porezne obaveze Poreznoj upravi Federacije BiH.

3. Finansijska sredstva

Za realizaciju ove Odluke potrebna su finansijska sredstva i biće planirana u Budžetu/Proračunu Općine Vareš.

Predlažem da Općinsko vijeće Vareš usvoji ovu odluku u navedenom tekstu.

**PREDLAGAČ:
OPĆINSKI NAČELNIK**

Kovačević Avdija, dipl.pravnik